



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Annunciatione B. M. V.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

illo possit gloriari? S. Th. t. p. q. 27. a. 5. *Quò aliquid magis appropinquat suo principio, magis de illo participat.* Ut quò magis igni propinqui fumus, magis calefcimus: quò magis glaciè propinqui magis frigemus, at verò post Mariam quis magis propinquus esse potuit Christo quam Joseph? inde Gerson. *O admiranda Joseph sublimitas tua, ô dignitas incomparabilis?* Christus erat subditus Josepho, igitur labores suos in bonum Josephi vertebat. Si felix fuit Simeon quia tantum semel in manus accepit Christum, quid Joseph? Si domui Obbedom benedixit Dominius quia arca in illa subsistit, quid Joseph? Si Joannes ad celi arcana admissus quia semel in pectore Domini recubuit, quid Joseph? Felix Joseph ab Arimathia qui corpus Christi ad sepulturam obtinuit, quid iste? O verè magnus Joseph, ô verè vir Maris, & Maris Matris JESU.

In Annunciatione B. M. Virginis.

Quando Christus sanavit cæcum Joan. 9. misit illum ad Naratoriam Siloën, quod interpretatur *Missus*. Aug. tr. 44. in Joan. *Expuit in terram, de saliva sua fecit lutum, quia verbum caro factum est, Inunctus erat, & nondum videbat, misit illum ad piscinam quæ vocatur Siloë, &c. Jam quis sit missus, agnoscite: nisi enim ille fuisset missus, nemo nostrum à crimine fuisset dimissus.* Ad hoc *Missus* remittitur peccator, videamus quomodo per hoc à peccato dimittatur. Proponit sibi S. Chrysol. ferm. 1. quare sit ad S. Virginem Angelus missus, dar fundamentum ex quo respondeatur. *Ut homo cursibus eisdem quibus delapsus fuerat ad mortem, rediret ad vitam; agit Angelus cum Maria de salute, quia Angelus cum Eva egerat de ruina, ut nostræ perditionis initio conveniens nostræ reparationis principium responderet.* Quod ipsum ulterius explicari potest ex Dami. ferm. de Annunc. *Per ipsam,*

& cum ipsa, & in ipsa, totum hoc faciendum decernitur, ut sic sine
 ipsa nihil est factum, ita sine illa nihil sit refectum. Et Andr. Creten.
 Orat. de dormitione B. V. Sola præter naturam electa fuit ad na-
 turam renovandam sola deseruit Opifici nature. Mirari poterat
 aliquis, quare Angelus dum S. Virg. solutat, nomen ejus non
 ponit, sed solum ponit. Ave gratia plena. Maria significat stel-
 lam maris, nondum fuit talis stella, quia nondum confecerat.
 Redeamus ad verba Chrysol. & ex illis ita discurremus. Pri-
 mæ die lux à DEO creata, hic virtus Altissimi obumbrat, nun-
 quam est umbra nisi ubi lux. Secundâ dividuntur aquæ ab
 aquis. Apoc. 17. Aquæ multæ, populi multi, hic divisio fit,
 novum Regnum Christo erigitur, regnabit in domo David, &c.
 Tertîa separatur terra ab aquâ, Alb. M. 17. Missus. In Naza-
 reth annunciat Christus nasciturus, quia in flore speratur fructus
 processurus, flos hic omnibus se exhibuit medicinam, confecit sensum,
 refecit corpus. Nazareth enim significat floridum, Die quartâ
 Sol & astra sunt producta, hic verò venit lux in mundum. Rom.
 13. Nox præcessit, dies autem appropinquavit. Die 5. Ex aquis aves
 & pisces prodierunt, hodierna die tot sanctos producit. Sex-
 ta, Adam creatus, hic novus Adam producit. Septimâ DEUS
 ab opere quiescit, hic in utero quiescit. Bonav. in Luc. 1. Sicut
 homo primus suis conditus ad totius mundi complementum sexto die,
 sic secundus homo, scilicet Christus, incarnatus sexta ætate, & sexto
 millenario ad totius creature perfectionem. Ibi dixit, Crescite &
 multiplicamini, hic dedit illis potestatem filios DEI fieri. Quies in
 cœlo est, Andr. Jerosol. Universi cœlestium potestatum Ordines
 magno gaudio exultant ob DEI reconciliationem nobiscum. Et hoc
 factum est per verba. Fiat mihi, &c. Tertull. lib. de Orat. c. 2.
 docuit nos DEUS orare, Pater noster, cur non Filius noster,
 siquidem hic homo factus? In Patre Filius invocatur, nec Mater
 quidem præteritur, siquidem in Filio & Patre Mater recognoscitur.

Invo-

Invocamus post DEUM S. Matrem. Quia ut Bern. super Missus
Quantum sine personali unione condicio creaturae patitur, luci illi inac-
cessibili videtur immersa. Aliis sanctis Apoc. 14. Nomen eius &
nomen Patris in frontibus scriptum. Aliae virgines sequuntur
Agnum, ista sole amicta. Bern. ferm. signum magnum. Illo igne
labia Prophetæ purgantur: illo igne Seraphim accenduntur. Longè
verò aliter meruit B. V. non veluti summatim tangi, sed operari ma-
gis undique & circumfundî, & tanquam in ipso igne concludi. Bernar-
din. tom. 3. ferm. de Joseph. Fuit B. Virgo creatura, nobilior
omnibus creaturis, quæ in humana natura fuerunt, aut possint, aut
potuerint generari. Inde Dami. ferm. 46. Meritò B. Virgo dicitur
Oriens orientis, fons fontis vivi, origo, principium. S. Th. in Catena
ad Luc. 1. Totam sibi hauserat Spiritus S. gratiam.

Ita facta mundi recreatio, sed etiam conservatio per B.
 Virginem, doctrina Evangelica conservat Ecclesiam Bern. in
 Salut. *Scientiarum Sanctarum scientia Maria.* Sed clariùs Rupert
 lib. 5. in Cant. ubi eam vocat. *Prophetissam Prophetarum & Ma-*
gistram Magistrorum, id est Apostolorum illa enim ut Hieron.
 ferm. de Assumpt. *Forma disciplinae Christi,* de illa Cant. 4. *Sicut*
turris David collum tuum, quæ edificata est cum propugnaculis Pagni-
 nus legit. *Quæ edificata ad docendum. Alii, quæ constructa ad di-*
sciplinas. De illa Dam. ferm. 23. Totius est Religionis assertio. De
illa Germ. Orat. de Nativ. Non scriptum sanctitatis folium, vete-
ris novique testamenti sigillum. Ubi legimus Prov. 8. Ego sapien-
tia habito in consilio, &c. Salazar legit. Habito in concilio, & eru-
ditis præsum cogitationibus. Apostoli Jerosolymis celebrarunt
 concilium, illi B. Virgo præfuit teste Rupert. lib. 1. in Cant.

In Eadem Annunciatione.

CUM verbum in carnaretur, nuptiæ fiebant, ad has B. Vir-
 go ut

D 3

go ut